

高太史大全集

六

高太史大全集卷之十六

吳郡高啓季迪著

南州徐庸用理編

五言絕句

觀軍裝十詠

胄

黃金胄帟頭乍免走豪酋
還有從容處綸巾按壘遊

鎧

絲弗鏤文銀高城日照鱗
探來曾攬陣一鏃不傷身

燾

髮亂野牛驚神專大將營師行當禡祭壇下戮番生

刀

大食購千金妖精泣太陰燈前開匣看無限許君心

弓

燕角號良材樓煩擘未開秋風懸臂出何處一鷁來

箭

流星逐飛羽鏃利能穿札三發定邊歸箠中休滿插

麾

彩帛曳長虹悠悠卷塞風三軍齊陷陣應在一揮中

矛

高太真全集卷之十六

畫幹似蛇長誰論半段鎗日斜親聞罷高宴卓沙場
袍

雕錦剪蒼團三邊總認看尋常不肖著風雪念兵寒
馬

羅帕覆春風連鞍賜有功蹄高騎得称身出萬軍中
師子林十二詠

獅子峯

風生百獸低欲吼空山夜疑是天目岩飛來此山下
含暉峯

演漾弄清暉江山秋歛霏我吟康樂句日暮澹忘歸

吐月峯

四更棲鳥驚山白
初上月起開東閣
看正在雲峯缺

立雪堂

堂前參未退
立到雪深時
一夜山中冷
無人祇自知

卧雲室

夕卧白雲合
朝起白雲開
惟有心長在
不隨雲去來

問梅閣

問春何處來
春來在何許
月墮花不言
幽禽自相語

指栢軒

清陰護燕几
中有忘言客
人來問不應
笑指庭前栢

玉鑑池

一鏡寒光定微風吹不波更除荷芰影放取月明多
冰壺井

圓甃戛生水光涵數星冷窓有定中僧休牽轆轤綆
脩竹谷

翠雨落經床林鳩午鳴後笋出恐人來編籬遮谷口
小飛虹

初看卧波影應恐雨崇朝過澗尋師去端如度石橋
大石屋

渾沌復輪囷全無斧鑿紋門臨五湖水坐納四山雲

題雜畫十二首

其一

空山萬株木
靄靄秋多晦
屋在白雲中
人歸白雲外

其二

欲尋江寺僧
渡口孤帆發
落日浦風生
不畏春潮濶

其三

蘼蒲亂石間
水急魚難罩
欲去尚殘陽
看山一停棹

其四

風急楚江波
佳人罷采荷
離舟孤宿處
淚少夜猿多

其五

孤柳影娑娑路入秋溪暮誰家繫榜來應待歸人渡
其六

驢影夕陽催空山不見梅愁腸如客跼一日幾紫迴
其七

夕陽數峯遠靄靄江南思烟外有鍾聲山僧獨歸寺
其八

橋邊綠水斜春樹隔雲霞隱處誰云淺千峯只一家
其九

日出溪霧黃風迴不成雨何處趁墟人侏儻並沙語
其十

遠岫浹烟光斜陽在釣航衆漁歸已盡獨自過寒塘
其十一

柳葉散空塘菊花明廢苑日暮問坨南舟行何近遠
其十二

山禽欲定棲竹風苦難靜殘雪墮驚梢脩脩一窓冷
和楊禮曹刺客三詠

錐

袖藏出屠市一揮報公子誰言上將雄不異孤豚死
七首

購自徐夫人欲堪秦皇帝銅柱火光飛奇鋒非不利

筑

王醉不知音亭前殺聲起勿輕無目人能爲有心鬼
得家兄在遠消息四首

其一

家將遠人信復報遠人知世亂書難得開緘勝見時

其二

幾日看回鴈今朝尺素開應知在天末亦望弟書來

其三

歲晚各離家伶兄去路賒書來約歸近同看故園花

其四

江上有婦舟傳兄在石頭安知雖暫喜念遠更成愁
爲外舅周隱君題雜畫五首

其一

斜陽榜釣船秋色滿江天彷彿吾家近沙村落鴈邊

其二

白鶴忽飛還松杉靄然暝明月出溪橋照見支筇影

其三

風雨過蒼嶠秋色渺江海白鷗期不來沙上人相待

其四

落葉帶回吹荒筠冒幽石池上鳥鳴時閑齋掩秋夕

其五

山深嵐氣寒高齋掩窓坐林間踏葉聲知有樵人過
效陰常侍

滿江烟水綠幾里到巴州音書不堪寄一寄一沉浮
歎墻下草

青青墻下草經霜未枯槁雖是見春遲還免逢秋早
草堂梵僧

禮塔老番僧唐言已漸能夜無還國夢石室坐懸燈
新月

纖纖掛柳西斜影低窺閣黃昏難久看初生是將落

尋胡隱君

渡水復渡水看花還看蒼春風江上路不覺到君家
西寺晚歸

遠寺別僧歸隨鍾出烟嶺犬吠竹林間斜陽見人影
淵源堂夜飲

懸燈照清夜葉落堂下雨客醉已無言秋蛩自相語
和陳左司夜泊桐江

月出釣臺樹長灘秋更喧渾如宿巫峽唯少一聲猿
過師子林

雨餘鳥語涼斜陽竹深見頻來非看花借讀高僧傳

薔薇露與手

蠻估海帆迴銀鬕玉求開與餘香滿手恰似折荃來

西陂

芳草水東西春風路欲迷歸時不覺晚山與夕陽低
園中梨花唯開一枝

關外見春逢朝來雪一枝不知初發處誤到已殘時
江上酒家

門戶暎垂楊春槽酒聲瀉幾度望高帘歸帆雨中下
過舊送別處

前時送畫船西港柳株遶別處愁猶在鴛鴦不肯眠

懷陳寅山人時居西山昭明寺

聞看西澗月秋閣與僧開正是相思夜鍾聲君處來
略上人房竹

幽篠半梢橫山空颭月明上人禪定久不怕有秋聲
聞鴈

江寒月黑夜定宿蕪葭裏叫叫過燈前却是誰驚起
晚坐水竹

潭島去何深斜陽樹半陰偶來臨水坐非有美魚心
聞謝恭夜詠詩

我非李太白君是謝楊兒夜半江樓雨高眠聞詠詩

題馬遠畫二首

酴醾

池冷晝闌幽。夫容伴晚愁。金盤承露重。彷彿漢宮秋。

黃葵

春晚獨餘芳。風回帶酒香。美人偏愛看。因似御衣裳。
余客雲陳山人居西山相望因有懷寄一首
深竹晝鳴鳩。微涼滿寺秋。老僧雖不在。風雨自相留。
睡足

風雨落梅村。鳩啼正掩門。今朝無事後。睡足亦君恩。

題雲林小景

歸人渡水少空林掩烟舍獨立望秋山鍾鳴夕陽下
題芭蕉

焚蕉倚孤石綠映閑庭宇客意不驚秋蕭蕭任鳴雨
春溪獨釣圖

春水鰕魚肥垂綸坐斷磯羊裘人易識好看舊蓑衣
池亭

虛檻枕池波閑凭看浴鵝秋荷知幾葉添得雨聲多
聞鍾

日暮遠鍾鳴山窓宿鳥驚楓橋孤泊處曾聽到船聲
桂花